



15. juni 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit meeqqanut inuusuttunullu immikkoortoq pillugu aamma taakku nakkutigineqarnerat:

- 1. Naalakkersuisut qanoq iliulersaarpat qularnaarniarlugu, Kommuneqarfik Sermersuumi meeqqat pillugit sullissinermi inunnik isumaginninnermut malittarisassat aqunneqarneri pillugit nakkutilliinnermut nalunaarusiap kapitel 5-ani atuarneqarsinnaasut innersuussinerit eqqunneqarnissaat taamatullu kommunini tamani atortussanngortinneqarnissaat?**
- 2. Naalakkersuisut sulissutiginiarnerlugu nuna tamakkerlugu qarasaasiami paasissutissanik katersuiveqalernissaa, atorneqarsinnaasussamik politiinit, Atuarfinit, Peqqinnissaqarfinit Atuarfinnillu taamaaliornikkut qularnaarumallugu, pisortat oqartussaaffiisa assersuutigalugu sumiginnaasoqarsimanera pillugu suliamik aallartitsisoqartillugu, pisariitsumik sukkasuumillu suliaq pillugu allattugaatinik takusarsinnaanissaat?**
- 3. Naalakkersuisut qanoq iliorpat qularnaarumallugu, meeqqanik sumiginnaasoqarsimanera pillugu allattugaatik "tammaannartannginnissaat" ilaqutariit kommunimiit kommunimut allamut nuussimatillugit?**
- 4. Naalakkersuisut oqaatigisinnaanerlugu pineqartumut tunngatillugu suliniutinik attuumassutilinnik siunissami qaninnermi aallartitsinissaminnut pilersaaruteqarnerlutik?**
(Inatsisartunut ilaasortaq Randi Vestergaard Evaldsen, Demokraatit)

Tunngavilersuut:

Meeqqat siunissaraagut. Aamma qujanartumik paasinarpoq nunatsinni meeqqat amerlanerpaartaat pitsaasumik toqqissisimasumillu atugaqartut angajoqqaarlutik asannittunik isumassuilluartunillu. Tamanna nuannaarutigisariaqarparput.

Paarlattuanik kanngusuutigisariaqarparput, nunatsinni meeqqat ikinnerussuteqartut amerlaqisulli toqqissisimanatik meeraammata persuttarneqartarlutik kinguaassitigullu kanngutsaattuliorfigineqartarlutik. Akisussaanerpaat soorunami tassaapput angajoqqaat. Allatut ajornartumik pikkorinnerulertariaqarpugut paasissallugu qitornartaarnerup suut nassatarisarneraat aamma angajoqqaatut sunik akisussaaffeqarnerluta, meeqqat nuannersumik meeraaqqullugit kingornalu pitsaasumik inuuneqaqqullugit.

Taamatulli oqareerluta inuiaqatigiittut angisoorsumik akisussaaffigivagut meeqqat angajoqqaaminnik sumiginnarneqartut uanilu nakkutilliinnermut nalunaarusiat takutippaat -



kingullermik Kommuneqarfik Sermersuumi meeqqat pillugit sullissinermi inunnik isumaginninnermut malittarisassat aqunneqarneri pillugit nakkutilliinnermut nalunaarusiami erserpoq - ajoraluartumik inuiaqatigiittut nunatullu suliassarput artoripput. Meeqqat amerlavallaat angajoqqaaminnit sumiginnarneqariarlutik aamma pisortanit sumiginnarneqartarput. Tamanna kannunaqaaq.

Taamaattumik Naalackersuisut kommunillu peqatigiillutik piaarnerpaamik immikkoortup iluarsineqarnissaa aallartittariaqarpaat. Isumassarsiatut atorsinnaasut marlussuit tassaasinnaapput qarasaasiami paasissutissanik katersivimmik pilersitsinissaq, tassani pisortat oqartussaaffii tamarmik ilanngullugit politiit meeqqat sumiginnakkt pillugit suliat iserfigisinnaassavaat, qularnaarumallugu meeqqat pitsaanerpaamik ikiorserneqarnissaat illersorneqarnissaallu. Tamatuma saniatigut naleqqutissaaq meeqqat suliat tamatigut uninngateqqaarnagit kommunimut nutaamut nassiunneqartalissappata, kommunit marluk akornanni nuttarneq pisimassappat.

Tamatuma saniatigut pissusissamisorpoq paasissallugu, innersuussutit pitsaasut Kommuneqarfik Sermersooq pillugu nakkutilliinnermut nalunaarusiap kapitel 5-ani takuneqarsinnaasut ilanngunnissaat Naalackersuisut eqqumaffiginaat.

Politikeritut kinguaariit aggersut akisussaaffigaagut tamannalu akisussaaffik tigusariaqarparput. Aamma taamaaliortariaqarpugut sukkasuumik.

Apeqqutit akeqquakka ullut suliffiit nalignnaasut qulit iluanni.